



Број: **01/3-50-1-3-43/10**  
Sarajevo, 2. 3. 2010. godine

## ZAPISNIK

### 43. sjednice Komisije za vanjsku trgovinu i carine Predstavničkog doma Parlamentarne skupštine BiH, održane 2. 3. 2010. godine

Sjednica je počela u 9,30 sati.

Sjednicom je predsjedavao je prvi zamjenik predsjedavajućeg Komisije Mehmed Suljkanović.

Sjednici su prisustvovali članovi Komisije: Salko Sokolović, Šemsudin Mehmedović, Ljiljana Milašin, Željko Kuzmanović i Nermina Zaimović -Uzunović.

Opravdano su odsustvovali: Jerko Ivanković Lijanović, Slavko Jovičić i Ekrem Ajanović.

Sjednici su prisustvovali: Hajrudin Podbičanin, pomoćnik ministra u MVTEOBiH, Šefika Tutundžić, šef odsjeka u MVTEOBiH, Željko Kovač, viši stručni saradnik za međunarodni saobraćaj u Uredu za veterinarstvo BiH, Faruk Mulabdić, viši stručni saradnik za veterinarsko javno zdravstvo u Uredu za veterinarstvo BiH, Bojana Miović, stručni saradnik u MVTEOBiH, Zoran Brkić, viši stručni saradnik u Sektoru za odnose s javnošću PSBiH, Radomir Marjanović, stručni savjetnik u Komisiji, i Emira Češljarić, sekretar Komisije za vanjsku trgovinu i carine.

Za sjednicu Komisije predložen je i uz dopunu tačke 3. b) jednoglasno usvojen sljedeći

## DNEVNI RED

1. Usvajanje zapisnika 41. i 42. sjednice Komisije,
2. Razmatranje Prijedloga zakona o izmjeni i dopunama Zakona o carinskoj politici Bosne i Hercegovine, predlagač: Vijeće ministara BiH, na osnovu člana 110. Poslovnika Predstavničkog doma, radi dostavljanja Izvještaja Predstavničkom domu,
3. Tekuća pitanja:
  - a) upoznavanje s predstavkom Udruženja poljoprivrednika u Bosni i Hercegovini, broj: 01/3-50-2-319/10, od 16.2.2010.
  - b) inicijativa za izmjenu Zakona o carinskoj tarifi BiH.

### Ad. 1. Usvajanje zapisnika 41. i 42. sjednice Komisije

Zapisnici 41. i 42. sjednice Komisije usvojeni su jednoglasno, bez primjedbi.

**Ad. 1. Razmatranje Prijedloga zakona o izmjeni i dopunama Zakona o carinskoj politici Bosne i Hercegovine, predlagač: Vijeće ministara BiH, na osnovu člana 110. Poslovnika Predstavničkog doma, radi dostavljanja Izvještaja Predstavničkom domu**

Prvi zamjenik predsjedavajućeg Mehmed Suljkanović u uvodnim napomenama istakao je da je Vijeće ministara BiH, 6. 1. 2010., uputilo Parlamentarnoj skupštini BiH Prijedlog zakona o izmjeni i dopunama Zakona o carinskoj politici Bosne i Hercegovine sa zahtjevom za razmatranje po osnovnom zakonodavnom postupku.

Predstavnički dom je na 72. sjednici, održanoj 17. 2. 2010., usvojio Prijedlog zakona o izmjeni i dopunama Zakona o carinskoj politici Bosne i Hercegovine u prvom čitanju.

Konstatirano je da na tekst predloženog zakona nije bilo uloženi amandmani.

U ime predlagača, u raspravi je učestvovao Hajrudin Podbičanin. Istakao je da predlagač ostaje pri Prijedlogu zakona bez bilo kakvih izmjena.

Nakon rasprave, Komisija je **jednoglasno prihvatila Prijedlog zakona**, te će predložiti Predstavničkom domu da usvoji Zakon o izmjeni i dopunama Zakona o carinskoj politici Bosne i Hercegovine.

**Ad. 3. Tekuća pitanja:**

**a) upoznavanje s predstavkom Udruženja poljoprivrednika u Bosni i Hercegovini, broj: 01/3-50-2-319/10, od 16.2.2010.**

Prvi zamjenik predsjedavajućeg Mehmed Suljkanović upoznao je prisutne s predstavkom Udruženja poljoprivrednika u Bosni i Hercegovini koja je upućena Uredu za veterinarstvo BiH, a istovremeno kopija dostavljena Ministarstvu vanjske trgovine i ekonomskih odnosa BiH i Komisiji za vanjsku trgovinu i carine Predstavničkog doma PSBiH. Predstavkom se zahtijeva hitno obustavljanje izdavanja dozvola za uvoz mesa i mesnih preradevina životinjskog porijekla iz zemalja EU s ciljem zaštite i podsticaja domaće poljoprivredne proizvodnje.

Šemsudin Mehmedović istakao je da Ministarstvo vanjske trgovine i ekonomskih odnosa BiH može pooštravati mjere uvoza poljoprivrednih proizvoda i time štititi domaću proizvodnju, odnosno stvarati uslove poljoprivrednim proizvođačima za plasman vlastitih proizvoda na domaćem i stranom tržištu, što rade sve zemlje u okruženju.

Željko Kuzmanović rekao je da je Komisija pogrešna adresa za ovu problematiku u poljoprivredi, te objasnio kako susjedne zemlje, ubacivanjem na tržište roba iz robnih rezervi, pomažu svojim privrednicima te da bi i mi morali stvarati uslove za slične intervencije.

Željko Kovač istakao je da Ured za veterinarstvo ima osnov za zabranu uvoza jedino u slučaju pojave zaraznih bolesti.

Nakon rasprave, Komisija je primila k znanju predstavku i **jednoglasno zaključila** da odgovori podnosiocima predstavke da je rješavanje navoda iz predstavke u nadležnosti entiteta, MVTEOBiH i Ureda za veterinarstvo BiH. Na osnovu zaključaka oba doma PSBiH, MVTEOBiH izradilo je Prijedlog mjera za poboljšanje uslova poslovanja u poljoprivrednoj i prehrambenoj industriji Bosne i Hercegovine prihvaćenim od Vijeća ministara BiH. Nakon razmatranja Prijedloga mjera, Komisija je dostavila mišljenje Predstavničkom domu PSBiH i predložila njihovo usvajanje.

**b) inicijativa za izmjenju Zakona o carinskoj tarifi BiH**

Šemsudin Mehmedović inicirao je izmjene Zakona o carinskoj tarifi Bosne i Hercegovine u pravcu smanjenja carinske stope na uvoz repromaterijala poluproizvoda od željeza ili nelegiranog čelika za

određene tarifne oznake iz Poglavlja 72 Carinske tarife BiH kao i određenih proizvoda iz Poglavlja 69, 68 i 38, uz napomenu da je na Prijedlog zakona o izmjenama i dopunama Zakona o carinskoj tarifi BiH iz 2007. , predlagača Vijeća ministara BiH, i predložio iste amandmane koje UIOBiH nije odobrila.

Članovi Komisije jednoglasno su podržali inicijativu Šemsudina Mehmedovića za izmjenu Zakona, a predstavnici MVTEOBiH saglasili su se da Šemsudin Mehmedović konkretno navede za koje tarifne oznake predlaže smanjenje carinske stope, te će nakon obrade inicijative razmotriti mogućnost izmjena Zakona.

Navedena inicijativa će u formi zaključka biti dostavljena na razmatranje Ministarstvu vanjske trgovine i ekonomskih odnosa BiH.

Sjednica je završena u 10 sati.

Sekretar Komisije  
**Emira Češljarić**

Predsjedavajući Komisije  
**Slavko Jovičić**